

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՀԱՄԱԿԱՐԳԻ
ՁԵՐԲԱԿԱԼՎԱԾ ԱՆՁԱՆՑ ՊԱՇՏԵՆՈՒ ՎԱՅՐԵՐՈՒՄ ՎԵՐԱՀՄԿՈՂՈՒԹՅՈՒՆ
ԻՐԱԿԱՆԱՑՆՈՂ ՀԱՍԱՐԱԿԱԿԱՆ ԴԻՏՈՂԴԱԿԱՆ ԽՈՒՄԲ

№ 2621/1629

28.04.2016թվ.

ՀՀ ոստիկանության պետ,
գեներալ-լեյտենանտ
պարոն՝ Վ. Գասպարյանին



Հարգելի պարոն Գասպարյան,

Դիտորդական խումբը սույն թվականի ապրիլի 27-ին այցելություն կատարելով ՀՀ ոստիկանության Արագածոտնի ՄՎ Թալինի բաժնի ՁՊՎ արձանագրել է հետևյալ հիմնախնդիրը.
<<ՁՊՎ-ում պահվող անձանց հաշվառման>> գրանցամատյանի 1-ին և 2-րդ համարների ներքո գրանցված Ս.Հ.Դ-ն և Ա.Հ.Ա-ն ձերբակալվել են Արագածոտնի ՄՎ Թալինի քննչական կոմիտեի քննիչների կողմից, կալանավորվել են Արագածոտնի մարզի ընդհանուր իրավասության առաջին աստիճանի դատավորների կողմից, բայց անհասկանալի պատճառներով նրանց ՀՀ ԱՆ ՔԿ հիմնարկ ուղեկցումը կազմակերպվել է ոչ թե քննիչների կամ դատավորների որոշումների հիման վրա, այլ ՀՀ ոստիկանության Արագածոտնի ՄՎ Թալինի բաժնի պետի գրությունների հիման վրա:

Խնդրում ենք Դիտորդական խմբին պարզաբանել թե նշված գործառույթը ՀՀ օրենսդրության որ կետով է կարգավորվում:

Հարգանքներով՝

ՀՀ ոստիկանության համակարգի ձերբակալված անձանց պահելու վայրերում վերահսկողությունը իրականացնող հասարակական Դիտորդական խմբի նախագահ՝



Հ. Սահակյան



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՇՏԱԲ

0025 ք.Երևան, Նալբանդյան 130, Հեռ.՝ (010) 59-65-94, Ֆաքս՝ (010) 59-63-11, էլ.փոստ staff@police.am

№ 212-1-1307

« 29 » 05 2016 թ.

Ձեր 26.04.2016թ. թիվ 2621/1629 գր.

ՀՀ ոստիկանության համակարգի ձերբակալվածներին պահելու վայրերում վերահսկողություն իրականացնող հասարակական դիտորդների խմբի նախագահ Հասմիկ Սահակյանին

Հարգելի տիկին Սահակյան

Հայտնվում է, որ դիտորդների խմբի կողմից 2016թ. ապրիլի 27-ին ՀՀ ոստիկանության Արագածոտնի մարզային վարչության Թալինի բաժնի ձերբակալվածներին պահելու վայր կատարած այցելության ընթացքում ՀՀ ոստիկանություն ներկայացված ընթացիկ հաշվետվությունում նշված հանգամանքն ուսումնասիրվել է ՀՀ ոստիկանության շտաբում, իսկ Արագածոտնի մարզային վարչությունում կատարվել է ստուգում, որի արդյունքներով ներկայացվում են ներքոշարադրյալ մեկնաբանությունները:

ՀՀ կառավարության 02.04.2009թ. «Ձերբակալված և կալանավորված անձանց ՀՀ կառավարությանն առընթեր ՀՀ ոստիկանության կողմից ուղեկցման և պահպանման կարգը հաստատելու մասին» թիվ 351-Ն որոշման 40-րդ կետի համաձայն՝ «Ձերբակալված և կալանավորված անձանց՝ պահանջվող վայր ուղեկցումն իրականացվում է քրեական վարույթն իրականացնող մարմնի գրավոր հայտերի հիման վրա», այլ ոչ թե դատավորի կամ քննիչի որոշումների հիման վրա: Ոստիկանության Արագածոտնի ՄՎ համապատասխան ծառայությունը ղեկավարվել է վերը նշված իրավական ակտի պահանջներով և պատշաճ կերպով իրականացրել է ուղեկցումը:

Ոստիկանության Թալինի բաժնի հերթապահ մասի պետը «ՁՊՎ-ում պահվող անձանց հաշվառման» գրանցամատյանի 9-րդ սյունակում թյուրիմացաբար քննիչի գրության փոխարեն նշել է ոստիկանության Թալինի բաժնի պետի գրությունը, ինչի կախակցությամբ վերջինս նախազգուշացվել է:

ՀՀ ոստիկանության շտաբ